

Sunt vero hi Montes admodum frigori obnoxii, in eisque frequenter nives cadunt; nec arbores ut plurimum proferunt, unde Incolæ ignem ex terra quadam ad hoc apta foveant. *Andes* sunt etiam Montes, sed continua serie producti absque vallibus. Hi etiam a Septentrione in Meridiem porriguntur, & inter hos & alteros Montes *Collao* Provincia clauditur, quæ sane ut plurimum Montibus referta est, ac frigori subjecta, sed tamen valde populosa. Montana Regio, Lævino Appollonio teste, Maritimæ Regioni hominum cultu, Urbium frequentia, & Soli Aerisque beatitudine longe præstat, ac peculiari idcirco Regum Sede, Procerumque habitaculo excoli consuevit. Terra præter *Chamacerasia*, & alia id genus mora dumetis assueta, lactucas, brassicas, raphanos magna proceritate luxuriantes, & tenuium etiam mensis vulgares, amaracum & similes herbas proferit: & reliqua porro omnia, quæ postea Hispanis ferentibus accepit, uberrima referendi benignitate reddit. Verum ante alia Frumentum tanta fecunditate luxuriat, ut si vere proditur, uno ex sativo Frumenti sextario, quinquaginta aut centum, ducenti interdum progignantur; quod eo certe vehementius demirari licet, quod levissimam tenuissimamque agriculturæ curam ac rationem exerceant. Auri Argentique ditissima inter omnes totius Orbis regiones non immerito Peruvia censetur. Continet autem Peruvia Provincia intra suos limites plurimas Vrbes ac Civitates, quarum præstantiores ac celebriores sunt: *Portus Vetus*, *Michaelia*, *Tungillum*, *Regium* seu *Lima*, *Arequipa*, *Quito*, *Cusco*, *Argyropolis*, & *Potosium*. Quarum quinque priores ab Hispanis primum situs commoditate, & mercaturæ oportunitate allectis occupatæ sunt, & ædificiis more Europæo exornatæ. De Moribus autem Peruviorum in universum Lævinus Apollonius sic scribit. Univerſi tribus potissimum gentibus distinguuntur, quarum singulæ plures sub se populos nominum rursus varietate differentes continent. Hæ gentes dissimilitudine gaudent, & diversis linguis sunt discretæ: frequenter etiam Limites excedentes inter se bella gerere, & ferro injurias vindicare discordes solebant, priusquam in unius *Gynacana* ditonem ad Æquatorem usque Provincia cecisset. Foeminis lanea vestis est ad talos usque propendens: Mares Indusium ad furas usque, & huic superjectum palliolum gestant. Quanquam vero idem fere tota regione corporibus vesti menti sit genus: capitū tamen habitus mirifice variant, cum singuli pro usitato patriæ moræ fasciolas tornatiles, multi simplices, plurimi versicolores gerant: nec fere sint quicquam, qui eo in capitu ornatu secundum patrium usum ab alteris non vehementer discrepent. Admirabili vero omnes Natura indolis simplicitate imbuit: adhuc vetustæ ruditis hæres, qua ridiculis nobiscum negotiationes exercent: vix inexhaustas suas Auri atque Argenti Gazas norunt, atque in formibus eorum masis tantum utuntur, quanquam Aureorum atque Argenteorum emblematarum non minore quam nos delectatione capiantur.

Urbes.

Mores.

Vestitus.

Chili.
Suum.

Chili Regnum ultra Tropicum Capricorni situm est inter Peruviam & Patagonum Regionem, quarum hæc Meridiem, illa Boream spectat: ad Occasum habet Mare Pacificum, longo tractu. Nomen habet a fri-